



Ach, wann des schiene Zeitn was unner Kinnergrupp noch gob! Vor genau 30 Gahrn hat unner Anneliese Wasmund die Grupp aufgebaut, jahrelang betreit un viele Auftritte gehatt, öb zu de Juchndkulturtoog vun EZV in West



un Ost bis ze unner Traffn mit ne Biebertoler Dünsbargvoren. In diesn Gahr wär de Annelies 90 wurn un ihr Todstog jäht siech nu aa schu zen 15. mol. Aus den Alass wärn mir ganz bestimmt an en Hutznobnd in Huchachtung ihrer gedenken – weil – su ne Sach werds wuhl ganz bestimmt nimmer gabn! Schod drim!



Vorankündigung! Zu unner Hutznobnd in Mai ka jeder sei Badebömbchen unner Aleiting bastln. Dodrzu muss jeds ne 1-Liter Schüssl un in Löffl mietbrenge, des ganze kost dann 10 €urone, ihr habt dorham bein Badetog viel Spaß un sauber werd ihr ubndrei aa noch! Wagn dr lebersicht müssn mir aber rachtzeitich wissen, war do allis mietmacht!

*Wer am 05.03.2020 zum Vereinshaus und auch **wieder nach Hause** gefahren werden will, der möchte bitte anrufen bei:*

Johannes Wüst, Tel.: 3807

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
180

Mitteilungsblatt des
Erzgebirgischen Heimatvereines
Eibenstock e.V.

März
2020



Wann werd's mol wieder richtig Winter ???

Is Dornresl

Is war emol vor vierhunnert Gahrn,
e mittlgrußis Keenichreich.
Ne Name hob iech net dorfahrn,
när de Geschicht dorzähl iech eich.

De Keenichin hat ieber Nacht
e Maadl of de Walt gebracht.
zen Keenich seiner grußn Fraad
De Fraad war gruß in ganzn Staat.

De Taaf söllt wos besonnersch sei.
„De 13 Feen wern eigelodn.“
Dr Keenich bild siech wos drauf ei,
war hätt nu schu solch saltne Potn?

Von Goldne Taller solltn se assn.
Die müssn glänzn blitzblank.
Dorbei hatt ar när ganz vorgassn,
ar hat när zwelfe in sein Schrank.

Zen Silbern wurdn dann gerodn,
ar guckt ne aa des gute Stick.
Hot aane Fee net eigelodn
un su begann des Ugelick.

Grod wie elfe Guts dorsinne
do bläkets laut: „Iech bi betrugn!“
De Dreizahnte stand gahling drinne
un tat aa noch ihr Sprüchl sogn:

„Iech bi den Keenich nimmer gut
Iech wünsch dar Klenn nu gar in Tud
Ne Spindl söll des Maadl stachn
un su des Klaane niederkrachn.“

De Zwölfte konnt des net wendn
när mildern konnt se grod de Strof.
Su wurd dar Tud aus ihm Händn
„E hunnertgährcher tiefer Schlof!“

Dor Keenich ließ dodrauf vor Wut
e jede Spindl glei vobrenne.
De Leit gerietn su in Nut
un tatn ne in Schafskopp nenne.

Doch ausgerachnt ubn im Schloss
war aane Spindl liegnbebliebn.
Des Maadl dacht: „Wos is dä des?“
un guckt se aa vu hiebn un driebn.

Den Stich, den tat se fast net spiern,
blus wurd se itze gahling miede,
fiel hie un kunnt siech nimmer riehrn.
Se dacht när noch: „Du meine Gietel!“

Doch aa die annern Schlossleit schliefn,
sugar dr Hund un aa de Katz.
Wu se grod standn oder liefn,
e jedes schnarchet an sein Platz.

Un im des Schloss zengst immering
do wuchs in salbn Augenblick
ne Dorneheck – un wos for Ding!
Die war fei e paar Meter dick!

När die Geschicht war noch bekannt.
E Keenichssohn, dar tat se härn,
un is zen Keenichschloss gerannt
de Dorne tätn ihm net stärn.

Des Maadl, des schlief noch wie tut,
ar tat net lange simbuliern.
War mutich bis zen lebermut
un wollt se mit nern Kuss vorfiehrn.

Ar tat siech blindlings niederknie
un knutscht des Maadl voll Begierd
Des springt ganz munner in de Höh
doch dr Prinz schreit „Ach un Weh!“

Un aaner vu de Brüder Grimm dar lacht:
„Prinz, wärschte doch drham gebliebn,
mir ham schu längst in aaner Nacht
des ganze Märchn imgeschriebn.“

Des Maadl is schu längst mei Fraa
Du mußt de alte Fee nu namme.
de dreizahnte,
mit samt de Dorneschramme!“
Dr Prinz dar saat: „Naa, naa,
do bleib iech lieber ganz allaa.“

Wir gratulieren unseren Heimatfreunden

Werner Weidlich	am 07.03.	zum 68. Geburtstag
Hans-Alfred Taube	am 17.03.	zum 68. Geburtstag
Werner Pechstein	am 30.03.	zum 81. Geburtstag



Als neue Vereinsmitglieder begrüßen wir:

Sigine und Klaus Irmisch, Ina Valdorf sowie Petra Tuschcherer

*Unsre Zeit vergeht geschwind,
nimm die Stunden wie sie sind,
sind sie böß, lass sie vorüber
sind sie gut, so freu dich drüber!*

- Unbekannt -

Unser Eimstocker Teil vom Weltkulturerbe

Als Auftakt zum Hutznobnd:

*Informationen zur Erneuerung
des Bergbaulehrpfades
aus erster Hand
mit Thomas Helm*

*Donnerstag, 5.3.2020
18.00 Uhr*



*Meldungen zu unserer Ausfahrt nach Halle am 13.6.20 sind noch
bis zum 31.03.20 möglich!*

*Es ist zwar noch Zeit, aber trotzdem möchten wir erinnern an den Betrag
von 202,00 Euro/ Person für die Fahrt nach Biebertal bis Ende Mai.*

... un zen nächstn Hutznobnd:

??? Unner Überraschungsgast ???

*Donnerstag, 2.4.2020
18.00 Uhr
im Vereinshaus*

unnere Kandidatn gelei in dor erschn Wahl vürgstellt, do gobs kaa Gerangl – jeweils is beste weiblichs un männlichs Kostiem bestimmt – ohne Eispruch un Gegnstimme! Gewunne hat dor feminiene Fliegnschwamm un dor fesche maskuline Indjaner! Als Preise gobs for jeden ne lustiche Koppstiz. War aa esu wos braucht – des gibt's nár in unnern Eimstocker Kaufhaus an Brühl! Un wenn ihr denkt, dodormit wár dar Fosnd-Obnd ze End, dar hat



siech geteischt. De dreizahnte Fee hat noch bis halb Elfe ihrn Spaß mit uns gemeinsam getriebn un gesunge, wos is Zeich hält – vu de Eisbärn un de Händ zen Himm! Aber do nauf wolln mir noch lang net, mir wolln ja noch viel sölcher schenn Obnde in unnern Haamitvorein dorlabn, aa wens grad wie zr Fosnd net gar esu arzgebirgisch zugieht!



Dodorfier giehts bein nächstn Hutznobnd am Aafang nächst emol ganz ernsthaft zer Sach: Unner Eimstocker Waltkulturerb samt in Bargbaulehrpfad stieht aa un is schu e Stick vora kumme, dodorzu bericht dr Thomas Helm.

Bis dohie: Glück Auf un noch emol Helau - Eier Schmidt!

Wie is Dornresl in unnern Haamitvorein kam

Die Sach is ganz aafach dorklärt: Als is neie Gahr raakomme is, war aa klar, is is ball wieder Fosnd! Un wos mach mer do gelei emol? Is muss wos lustichs sei. Also nochgekromt in e paar Büchle un do kam mir des Gedicht vun Dornresle-Märchen nei de Händ. Weil mir des End vu den Stickl aber ze langweilich war, hab iech des noch eweng imgeschriebn, su des dor Spaß e bissl meh sei söllt.



Dann wurn paar Sachn zamgesucht un gebastlt, wie ne Krone, ne Spindl, e paar Schildle oder aa de Dorneheck. An nächstn Tog wurd rim un nim telefoniert un dodorbei 6 Mitstreiter gewunne, die hab iech ze mir eigelodn wagn nor klenn Prob, des muss vornewag mol sei.

Zwee Tog vor unnern Fosndobnd ham siech aa alle pinktlich eigefundn. Die missn gehnt ham, des die Proberei ganz lustich wern kennt, denn se ham alle ewos mietgebracht: vu Rutwein, Sekt bis ewos ze Schnabbern war allis dorbei. Des Gedichtl hab iech ihne dann vüretrogn un dorklärt, wos jeder emende sogn oder blus esu machen söllt. Des hat alln gefalln un jeder hat siech ausgemolt, wos ar dorbei aaziehe kennt. Do hat jeder seine Ideen eigebracht: „Och, iech hob do noch e Kostieml vu suner Fee in Schrank, mol sah, öb des mir noch passt?“ „Zweng diech nár nei, is werd schu gieh!“ „Un iech hab ne schiene Perick, die passt do aa drzu.“ Unsuwetterun-sufort. Durchprobiert ham mir des noocherts net erscht, is war ja allis for jedn su weit klar. Dar Obnd



war aber do noch lange net ze End, do sei noch alte Bilder iebem Kompjuter un Fernseher ageguckt wurn, dodorbei sei noch alte Geschichtn aus dr Schulzeit un ieber de Lehrer aufgewärmt wurn. Jednfalls wars racht lustich wurn, e Glasl Sekt gobs ja aa noch ganz naabnbei.



Ze Besuch bein Fasching: 1-12. un 13. Fee



Mit nern ganzn Haufn lustichn Liedln – allis hinnernanner waggessunge – ging in diesn Gahr unnere Fosnd im Vorein lus. Jeder hat vornewag sei Textblattl kricht, obwuhl mer die Tschumperliedle aangtlich auswendich kennt. Bein letztn Hutznobnd hat iech doch in Mikrofonsander vorgassn mietze-

brenge, su des unner Chef vor mir niederknien un mir des Mikro vor de Gusch haltn muß. Diesmol war zwar dor Mikrostander do, aber iech hat dodorfier mein Nutn-Text-Stander vorgassn, aber do braucht



ar siech net ze kniee, do kunnt iech is Hauptsächlichste grad noch esu oguckn. Ja, un wenn alle gelei esu mit mir un meiner Gitarr eistimme is de Grundstimmung schu erscht emol do. Un außerdam gabs ja aa genuch ze guckn un ze lachn ieber

imannich werklich schiene Kostiemle. In Vugel abgeschossn ham aber diesmol alle unnere neien Mitglieder, vun den Fliegschwamm bis hie zen Indjaner-paar! Des war e gutgelungner Eistand ins lustiche Voreinslabn, su mussis sei! Dann wurm erscht emol e



paar Fosnd-Tonkonservn iebem Läbtop un Vorstärker eigespielt, dodormit de allgemaane Heiterkaat noch eweng zunamme sollt. Nooch nr gutn Roster mit den immer wieder bestn Ardeppsalat aus dor Voreinshaisl-Kich un den nutwendischn



Getränkorein sei dann e paarle naus neine vorraum gange un nam siech reitich gemacht for ihrn lustichn Märchnauftritt. Iech wass bis heit net, warim iech als dar aane Bruder vu de Gebrieder Grimm e Nachthemm aaziehe musst – aber – egal, iech hobs halt drier gewürscht un hab noocherts den ganzn Märchnrahme dorzählt. Wie siech des ogespielt hat, dorzähl iech aber in ner Extra-Geschicht. Mit in ganzn Haufn lustichn kurzweilign Vidjos un Musik gings dann wetter, is wurd viel gelacht un dorzählt an jedn Tisch. Zwischndurch gobs dann aa wieder paar Pfannekuchn – 50 Stick, dodorvu fünfe mit Senf, aber die sei alle zamgassn wurm, is war jednfalls kaaner meh ieblich zen Schluss.



Mit ner Irmisch-Sektrund wurd aa noch aagestußn un auf aller Wuhl getrunkn. Bei vieln eigespieltm Fosnd-Liedern ham alle wieder kräftlich mietgesunge, su des de

gute Stimmung iebem ganzn Obnd aagedauert hat. Un dann is aa noch unnere ehmalische Kinnergartn-öberschte aufgestandn, hat siech in Topp un in Kochlöffl aus dr Kuch gehult un zen nr zinfing Rund-Rim-Poloneese alle hinner siech hargeschlaaft. Schließlich wurd in ner geheime Wahl vu de Vürstandsmitglieder – aber net esu daamich wie in Thieringe - mir ham

